

廣安縣志
十冊之八

廣安州新志卷三十五

祥異志



神爵集穎川石牛見巴郡州邑所上史必載之特五行諸志本之
易傳詩書參之陰陽象數案事推測閒失穿鑿埒會綜其要悒非
好奇誕也重以察世變爾廣安舊壤鍾離有劍穴之擊務相有土
船之浮策書備紀豈曰無稽獨是天文星野志乘競重下州百里
何與豪末務侈言而無驗實史通之所誚至如春秋日月霜電之
異左氏草木蟲魚之擎裨諶梓慎之所占李邵京房之所候揆天
道詳矣徵人事備矣必一例埽除之晚近人心安所警懼哉吾雖
違眾謹存古焉顧厯史浩博摭拾爲難蔓延時代旣失斷限馳騁
異說又乏鎔裁累歲揀尋采擷略備軼聞雜志亦所不遺若今代
掌故近在耳目采諸私家紀載證諸耆老舊聞益繁夥已惟強析

類目偏隅不備截趾適履孰愈其愚茲廣摭遠古詳補佚文歷代
所無則蓋闕之義略倣班范正式或勝虞初小說焉苟四境郅
治歲登豐稔則木生太平之字鏡出仁壽之文偶觸斯應捷如桴
鼓否則明珠夕徙螟蜺朝來失道之徵咎亦隨之蓋妖孽胥祥不
必水鬥石言也景星慶雲之見甘露醴泉之出苟非其時皆異變
矣爰據事直書無蕪無雜童謠道識閒著其應必逐福以修德遇
災而知懼庶有當焉毋曰災變不足畏也志祥異

秦

始皇時有長人長五丈見宕渠

什長十五丈

太史令胡毋敬曰五百年後

其地必有異人爲大人者後李雄稱王其祖出自宕渠有識者以

爲應焉

蜀錄

漢

順桓之世宕渠出九穗之禾

華陽志

晉

元康三年賓人李特猶宕渠之廝伍正月中歟一夜有火光地仍震童謠曰江橋頭關下市成都北門十八子又讖云廣漢城北有大賊曰流曰特攻難得歲在元宮自相剋

華陽志

案特以太安元年起

兵在元康後數年雖僭竊一時而興亡先兆若此

隋

大業八年縣大旱人多饑死

十三年大旱縣邑遣築城發男女無少長皆就役

隋書

唐

貞觀元年渠州旱冬不雨至於明年五月

通攷

宣宗時山南西道觀察使奏渠州犀牛見差官押赴闕廷帝慮傷

物性使押還放於渠州之野

東觀
奏記

宋

太平興國三年軍界蓬渠諸州虎爲害

宋史

至道三年廣安軍吏胥仁迪牛生二犢

咸平六年渠江縣民王德進牛生二犢

景德三年渠江縣民王繼豐家牛生二犢

四年九月廣安軍上嘉禾圖十月知廣安軍王奇上芝草

紹興二年興元饑民流至軍境三年霖雨至於越歲正月

四年廣安旱

五年饑斗米二千民食糟糠

六年大饑

隆興元年大饑民食蕨根

乾道八年渠江大水

淳熙九年廣安軍旱五月不雨至於七月

紹熙四年廣安軍旱

嘉泰二年廣安饑大亡麥

通攷

咸淳七年夏五渠江大水漂蕩城壁樓櫓圯壞

宋史

元

延祐四年民饑發廩振之

泰定元年六月渠江水溢並漂民廬舍

元統二年甲戌五月旱

至正八年五月旱饑禁酒

元史

明

洪武元年戊申渠江大水至秀屏山上

碑刻

嘉靖八年己丑春疫渠江水漲至諫議坡山腰有碑紀其異

萬曆十六年廣安大旱

十七年初春至秋皆不雨赤地千里田禾俱枯

帝京奏議

二十二年甲午有星隕西關外入土數尺村人掘出形如石其色深黑王德完移置於家每夜半輒聞閣上琴聲清越異常

集志

二十六年州大疫

三十八年荒旱殍死無數

總志

天啟七年鄉里虎食人

崇禎二年己巳地震

七年王季方別業園丁李元妻孕三載生子鬚髮盡白以爲怪擊之不中子云不須打復擊之遂逃入山不知所之婦亦無恙

十二年州東大山有天池橋水自洞出過橋後復入山洞一日水

出洞忽不流矗立二三丈四面懸空立如墻壁清鑒毛髮如此數日始塌流入洞去舊志

十六年虎近城市有鹿肉又有童謠云張打鐵李打鐵打把剪刀

送姐姐

羽伯記

大清

順治元年甲申州境日月無光赤如血天不見北斗有大星出西方耀其芒

二年大饑

三年大饑四境人肉賊連營渠江之東采糧草木根皆掘盡

楊鑑

四年饑燕巢木虎入城大疫有大頭瘟病者頭腫頃刻立死有馬眼瘟病者目盲東西莫辨有馬蹄廬頃刻足腫如斗鬼魅盡見與人爭道夜聚室中噪聒不休有夢魂魔人就枕隱隱攝魄去疾呼

可活少刻不救有持臉魔黃昏時寒噤如水面皮自脫二物來時
形狀糝糊夢魂魔猶可驅逐抹臉魔必明火震鼓以守之

蜀鑑

五年戊子歲旱大饑人相食

七年虎食人

羽伯記

康熙八年荆棘徧地虎蹤滿野

羽伯記

十四年丙辰秋渠江水入城中

十九年辛酉彗星見西方如掃光芒數丈經旬始散

二十年慈竹開花結實如稻米麥秀兩岐

乾隆十五年渠江水漲入城門樓壞

三十五年渠江水漲入城至州坡城垣圯

四十三年戊戌大旱

次年己亥大熟

五十年乙巳五月初六日午時地震
五十一一年五月初六日午時地震

嘉慶三年戊午大疫小兒黑痘死者千數七月有白燕數萬翔集
大有場月餘始去

十三年戊辰閏五月初二日渠江水漲至州坡城傾五處

十六年辛未旱八月彗星見西北隅經數旬始散

道光十九年戊戌二十年己亥歲大凶人食桐麻樹皮

二十三年壬寅秋城中民家地出黑血斗許腥臭移時後其家遭

回祿

二十四年州西榮姓民家豬產一白象林木振響九月城鄉石地
見墨線或數寸或尺餘拭之不去數日方滅

二十五年鄉民葉姓妻劉氏一產三男

二十七年丁未秋八月十四日渠江水漲至州坡夜見江心出蛟
目如紅燈迤邐而下漂没人畜房屋無算十五日水退十八日復
漲較前低五尺

咸豐二年壬子渠江水漲至州坡

六年花橋會仙廟有柏數株均徧樹開花狀如丹桂數月始落

八年長星見西方光三丈餘經旬始散

九年州南棗山堡郭家莊水竹筍高二尺忽分爲兩竿

十年四月十三日黃龍見棗山堡白雲皎日龍首爲雲氣所翳惟
露爪尾鱗甲金色趁墟者咸見之夏五月州大堂正梁無故迸裂
數尺是冬有練勇圍城之變

十一年辛酉夏四月賊圍順慶城湘撫駱文忠援蜀令道員黃純
熙帥軍至郡圍已解純熙追賊至定遠遇伏死時童謠曰四川地

頭薄硝磺用不著若要見太平除非馬生角硝蕭也謂壯果公啟
江前帥湘軍援成都病卒也磺黃也馬各駱也五月彗星北斗杓
入紫微垣光燄竟天經月方滅

同治元年壬戌東嶽砦有魁星石下鳴聲如牛響應山谷數月乃
止四月大風拔木屋瓦亂飛柱皆折龍翔砦石移數丈

二年州北周姓紫瓜一蒂三瓜姚坪大坎等處禾出雙穗

三年穀直石錢十千銀直兩錢九百

六年七月中元城內火因民家紙錢延燒數十家將及天上宮廟
祝持天后像默禱火即滅

七年州北高灘重建萬春橋工人伐石得天然石劍一長三尺許
嵌石中如匣其鋒甚利今存譚時宜家冬初董事陳錦心譚蘭亭
等夜夢二紅衣女子前致辭曰妾姊妹居此久矣明日當有大厄

乞君塚救次日各述夢以爲異忽工役選灘心巨石中獲二紅蛇各長五尺眾欲殲之二人立命引去投之江中蛇猶回首數四蜿蜒而沒

九年四月二十四日城中大火三聖宮川主宮樂樓兩廂皆燼唯正殿獨存自九月不雨至越歲夏四月杪方雨歲凶州人移建文昌宮選地得石卵以萬計光圓可愛懼傷風水仍覆之奎閣下又掘出天尊石像百餘首皆斷雇匠續之悉符合

十年十月朔十一月朔十二月朔皆大雪

十一年正月朔大雪次日日出其光如環中皆黑色歲稔夏五月鄉民辮髮以無故被剪相驚多佩符囊以禳之又訛言雞有毒剖之腸中白蟲如斷綫食者輒病治北民家豬產一白象

十二年夏有蟲徧食柏葉其樹多枯九月十五夜月蝕昴度全晦

十月二十日夜雷大震如春日

光緒二年丙子三月朔日食壁十度

三年七月城中火九月初八夜月入斗魁

四年正月望夜月食太微上將傍全晦三月二十二夜有黑氣自西南亘東北

五年正月石笋場農民孫姓家產一牛五足其一足在頂下胸前無骨而軟蹄甲皆具用以耕犁其健倍常牛五月十二日寅刻地震屋宇動搖鳥雀亂飛

六年五月望夜月食斗柄全晦十一月望夜月食畢觜之間全晦臘月雷

七年正月未驚蟄而雷五月有彗星長丈餘自北斗下入紫微垣由六甲帝座掃鉤陳入四輔犯極星七月中方沒六月二十五日

戊刻地震臘月雷

八年四月朔日食昴初度夜熒惑入輿鬼犯積尸七月十八日未刻天鼓鳴東北方八月有星孛於東方自張掃入星宿光芒數尺冬月入天弧方滅

十年春花橋周姓家李結實如蛾眉豆形四月桐樹結關刀鋒背刀環悉具秋不雨至於明年四月

十二年九月雷鳴鳥作杜鵑聲

十七年臘月城外火由東門延至南門

十八年冬月大雪州境榕樹盡枯

十九年穀賤傷農斗米錢四百

二十年有蟲食柏葉樹枝皆枯其遺入水皆黑

二十一年又五月渠江大水入城

二十二年正月初二日地震二月初七春分日雪後三日霜瓦皆白厚寸餘五月有道人沿市口唱曰金子包銀子劈頭一鑽子苦后七月有大水淹天池村店漂斃桂花場人民知州白椿往撫卹之城中之水入者自北門登舟至東門四境田禾將登忽被霪雨連綿至十月黃雲委地盡成白芽綠秧數寸稻稟腐牛食輒病斃大饑饉冬至日雪人始解曰金包銀穀也劈頭鑽穀生芽也苦者穀敗味也

二十三年丁酉正月元日雪元夕後土匪藉饑煽眾暴起劫掠一夜連劫數家民不安枕知州陳源麟差勇逮治囹圄皆滿二月中旬始息四五月風溫疫大作傳染甚速鄉鎮道路僵仆枕藉市無鬻棺死者七八千人

二十四年戊戌元旦日食二月州民派捐昭信股票以一百金爲